



Projet promovût di 'La Vôs dai Furlans' e 'ARLeF'

# MAMAN

la VÔS dai FURLANS

Lu saveviso che...?



L'ors polâr amî di Sedna e Horaci al à un non une vore particolâr: Flocut. Ma di dulà rivial chel non?

Cjalìn insiemi la pontade di Horaci "La storie di Flocut" su




I ors polârs a vivin inte aree artiche tra Pôl Nord, Alaska, Russie, Groenlande e Canadá, li che e vîf la plui part di cheste specie. A vegnin ancje clamâts ors blancs, ma in realtât la lôr piel e je nere e i lôr pêi no son blancs, ma trasparenti! La lôr pelice nus somee blancje par vie dai pêi "speciâi" che a rifletin la lûs dai rais solârs, fasint viodi al nestri voli dome chel colôr. In cheste maniere i ors a diventin cuasi invisibii, parcè che si platin ben tal ambient dulintor, rivant a cjaçâ cun facilitât.

## Cumò fâs tu!

Trops sono?

Cjale la imagjin e conte: trops sono i orsuts cu la siarpe verde? E trops àno la barete?



## Piture il dissen



Ridi a plene panze!

Ce fasial un ors sentât suntun disc? Un disc-ors!

Vuelistu tornâ a viodi lis pontadis di Maman? Cirilis su Cjale lis gnovis pontadis su **telefriuli**

Vinars aes 18.30, e in repliche domenie aes 7.00 e aes 13.00



LIS IMAGJINS SON GAVADIS FOR DI HTTPS://IT.FREEPK.COM - HTTPS://ARLEF.IT/

Pagjine curade dal Sportel Regjonâl pe Lenghe Furlane de

**ARLeF** AGJENZIE REGIONÂL PE LENGHE FURLANE

## STELIS E LUSIGNIS Noa



**Roc.** Tu âs di frontâ un biel dubi: restâ leât ae vite di ogni di o fâ un biel viaç? In duçj i doi i câs tu cjarârâs dai trucs.



**Taur.** Tu vuelis une vite comude e plene di gjoldi e par vêle tu fasis tancj sfuarçs, atent però a no lassâ indaûr la famee.



**Zimui.** Tu âs tacât l'an plen di fuerce e voie di rivâ, lis stelis a son de tû bande, ce vuelistu miôr di cussî?



**Gjambar.** Sot Nadâl tu âs cjarîât avonde lis batariis e cumò si sint. Cîr di vê cidinôr ator e ancje dentri di te.



**Leon.** Par frontâ ben il doman tu âs di dismenteâ fats e personis leâts al to passât.



**Vergjine.** La Lune e à voie di fâti cualchi dispiet e cussî, tant che tu stâs gjoldint un moment di pàs, jê ti fâs un çopedon.



**Belance.** La energjie di chei dis achî ti puarte a fâ une vore di sport, ma une energjie compagne no tu le âs intai rapuarts cun chei altris.



**Sgarpion.** – Tu sês plui viert cu la int e chest ti permet di cognossi personis gnovis, cualchidune e pues diventâ amie.



**Sagjitari.** Lis fiestas a son finidis e tu tu âs chê di divertiti ancjemò, il cuarp i vise di pòlsâ e durmî.



**Bec di mont.** Intes discussions in famee tu âs di vê un grum di pazienze e no tu âs di rabiâti. Cussî dut si sclaris miôr.



**Agariûl.** Intal lavôr o intal amôr, i dis che a vegnin ti partin un grum di sodisfazion, ancje se no dut al va come che tu speris.



**Pes.** Il 2022 al è finît ancje se tu continuis a pensâ a ce no ti è plasût, lasse stâ e cjale indenant.